

مجموعه ابو الضحی

ماسوا شایده سندن دلی آملدیوره چاش
برتو حکمت و عرفان ایله تنویره آلس

هر ماه عربی ابتدا سیله اون بشتده نشر اولنور فنون مجموعه سیدر

جزء ۲۴ [فی ۱۵ ربیع الآخر سنه ۱۳۰۲] نسخہ سی ۳ فروش

روسونك كذب حقنده کی ملاحظاتی

كذب انسانك عرض و بیان ایتمه مجبور اولدینی بر حقیقتك اخفاسنه اطلاق اولندیغنی بر فیلسوف کتابنده مشاهده ایلدیگمی تخطر ایدیورم . اشبو تعریفدن شو نتیجه حاصل اولیورکه: انسان عرض و بیان مجبور اولدینی بر حقیقت حقنده سکوت ایدرسه ارتکاب کذب ایتمش اولیور. لکن بو حالده بولنان بر آدم حقیقتی عدم اظهارله اکتفا ایتمه رك عکسنی سویلسه ارتکاب کذب و دروغ ایتمش اولورمی اولمازمی ؟ تعریف مزبورده گوره ارتکاب کذب ایدیور دینله مز . زیرا اگر برسی هیچ برشی و یرمگه مجبور اولدینی بر دیگرینه قلب آچه و یرر ایسه او آدمی الداندیغنده شبهه یوق ایسده لکن بونکله او آدمدن برشی چالمش اولماز .

بوراده هرایکسی ده غایت مهم ایکی مسئله ظهور ایدیور : برنجیسی مادام که انسان دائماً اظهار حقیقته مجبور دگلدیر؛ انسانده اشبو مجبوریت نه وقت و نه صورتله حاصل اولیور ؟ اینکجیسی بعض احوال موجود میدرکه انسان حس ایتمه رك ارتکاب کذب ایده یلسون ؟ مجزومدرکه اشبو اینکجی مسئله مؤلفی عندنده ال ک شدید اخلاق هیچ مثابه سنده بولنان کتب و رسائله منفیاً و مدونانده مسطور و مندرج اولان اخلاق و حکمیات اجرایی غیر قابل برلافزنلک کی تلقی اولنمش و هیئت اجتماعی بشریه ده صورت مثبت و مکمله ده تحت قراره آلمشدر . بناء علیه یکدیگره مخالف بولنان افکار مزبورده یی ترك ایله قواعد مخصوصه عاجزانمه اتباعاً مسائل مذکورده یی نفس احقرانه می ایچون حل و اثباته شتابان اولهیم .

حقیقت عمومی و معنویه بالجمله انعام و الطافک ال قیمتداریدر . آنسز انسان اعمی اولدینی کی خصلت مذکورده چشم عقل و حکمتدر . بونکله انسان خط حرکتی تنظیم ایتمکی و نصل اقتضا ایدر ایسه اولصورتله اولنی

وَنَه یَاقِی لَازِمکَلور اِیسه آنی یَاقِی وَغایت حَقِیقَه سَنَه طوَعری مَتَهی عَزِیمَت
اولنی اوکرنور . حَقِیقَت خُصُوصِیَه وَشَخْصِیَه اِیسه دَائِمًا بِرَلطَف وَنَعْمَتِ اَولیوب
بَعْضًا مَصِیبت وَاکْثَرِیا وارسَتَه اَهِمِیت بِرَقِیقِیتِدِر .

برانسانه عائد اولوب واصل سعادت حال اولق ایچون حقارنده
اکتساب معلومات ایدلمسی مقتضی بولنان شیئرلک متعدد دگدرلر . فقط
هرنه مقدارده بولنورلرسه بولنسونلر بولنر انسانک مالی اولان برلطف و نعمت
وهر راست گلدیگی یرده ادعایه حق مربوط حجت گبی بولنوب انعام والطفاف
مذکورده دن محروم ایدلمسی خصوصی ایه خرسرلغک الک غیر محق برصورتیدر .
زیرا معلومات مزبورده عمومی وهر کسه شمولی وارسَتَه گواه اولان
انعام والطفافدن اولوب معطی بونی سائر تبلیغ ایتمکه ذاتی محروم ایتمش
اولماز . نه معلومات وَنَه ده عملیاتجه هیچ برنوع فائده بی حائر اولیان حقایقه
کلنجه بولنر حد ذاتلرنده برنعمت بیله اولمدقلری حسیله فصل عمومه تبلیغی
مقتضی نعمت اوله بیله جکلردر ؟ و مادام که ملکیت منفعت اوزرینه مبتیدر
منفعت ممکنه مقصود اولان یرده ملکیت آرامق بیهوده و بوشدر .
برعرصه هرنه قدر غیر نابت اولور ایه اولسون طلب اولنه بیلور . زیرا هیچ
اولمز ایه اوزرنده اسکان ایدیلور . لکن هروجهله اهمیتدن عاری وهر
برکیسه ایچون استحصال نتیجه دن بری بروقه بیهوده ایستر صحیح ایستر غیر صحیح
اولسون بوندن هیچ برکیسه فائده مند اوله ماز . مرتبه مغنویه ومرتبه مادیده
هیچ برشی هیچ بر فائده بی مفید اولمدیغی حالده لازم اوله ماز . برشی لازم اولق
ایچون یا بالفعل نافع ویاخود نافع اوله یئلک خاصه سنی جامع اولمیدر .
شویله که : آخره تبلیغی مقتضی اولان حقیقت حقانیت اوزرینه حکم و تأثیری
اولانه اطلاق اولنوب حقیقت نام مقدسنگ وجود وبقاسی هر کسجه اهمیتدن
عاری وحقنده اکتساب معلومات جمله جه منفعتدن بری اولان برطاقم اشای
بیهوده یه اطلاق ایدیلیشی نام مزبوری تلویث ایتک دیمک اولور . حقیقت
هرنوع فائده دن ، حتی فوائد ممکنه دن بیله تجرید اولندیغی حالده عمومه تبلیغی

مقتضى برشى اوله مز . و بناءً عليه حقيقت مزبورى هر كيم كه كتم و يا خود
تبدیلی ایدر ايسه ارتكاب كذب ايتمش اولماز . لكن هر نه قدر غير مؤثر اولور
ايسه اولسون عجباً هر جهتله هر كسه غير نافع حقایق موجود اوله بيلورمی؟
بوشایان بحث ومقال بشقه بر ماده اولوب ماده مزبوره اوزرینه آئیده بیان
مطالعه ایده جگم . شمدیكى حالده ايكنجی مسئلهیه كچلم : كتم حقيقت ايله اصل
واساسی اولیان برشئی سونلك بری برندن غایت متفرق ایکی شی ايسه ده
مع هذا بونلردن يكدیگر ك عینی بر نتیجه حصوله گلور ؛ زیرا بونلردن متولد
تأثیر هر نه وقت كان لم یكن حكمنده بونلور ايسه عینی نتیجه حاصل ایتدكلرنده
شبهه یوقدر . هر زده ده كه حقيقت حائز اهمیت دگلدر ، عكس حقيقت دخی
وارسته اهمیتدر . بوندن شو استنتاج اولور كه بویله احوالده حقيقتك عكسنى
الزام ایدن كتم حقيقت ایدندن دهها حقسز دگلدر . زیرا حقيقت غیر
لازمه بختده سرد ایدیلان خطا تجاهلدن اشع عد ایديله مز . قعر دریاده
بولنان قومى گرك بیاض ، گرك قرمزى ظن ایدیم . و یا خود نه رنگده
اولدیغنى تسلیم . بونك بنجه هیچ بر اهمیتی یوقدر . هیچ بر كیمسه به ابراث
مضرت ایدلمكسزین فصل حقسزلق ایدلمش اولنسه بیلور كه حقسزلق حد
ذاتنده تجویز ایدیلان فضاحت ايله قائمدر . لكن بویله صورت مختصره ده
تحت قراره آلمان اشبو مسائل ظهور ایده بيله جك كافه احوالده كمال عدالت
وحقانیت ايله تطبیق ایديله تلسی ایچون مقتضى اولان ایضاحات وتفسیرات
ابتدائیة اجرا ایدلمكسزین عملی بنجه بر تطبیقات مؤتمنه عد ایديله مز لر . مادام كه
سرد حقيقت مجبوریتی منفعت حقيقت اوزرینه بنا ایدلمشدر . تمیز نفع
ضمنده كندی كندی فصل حاكم نصب ایلیه جگم ؟ بك چوق دفعه لر
برینك منفعتی دیگر ك اضرارینى استلزام ایتلكده و منفعت شخصی ايسه
همان دائماً منفعت عمومیه ايله تضاد وتخالف اوزره بولنقده در . بویله احوالده
فصل حر كت ایتلی ؟ غائبك منفعتی دیگر ك منفعتیه می فدا ایتلی ؟ برینى
متنفع دیگرى اضرار ایدن حقيقتی اظهار ایتلمی ایتما ملیمی ؟ انسان

هر سوبله جگنی منفعت عمومی میزانیله می، یوقسه میزان عدالت توزیعیه ایله می وزن ایتلی؟ مالک اولدیم انوار فکریه احقرانه می یالکز قواعد عدل و داد اوزره تقسیم و توزیع ایتک ایچون لزومی اولان درجه ده مناسبات اشیایه معلوماتم وارمیدر؟ بوندن ماعدا سائرله قارشو اولان مجبوریتیزی تدقیق و معاینه ایتکله انسانک کندی کندیسيله حقیقت مجردیه قارشو اولان مجبوریتنی کمالسيله تدقیق و معاینه ایتش اولورمیم؟ بر دیگرینی آلدتدیم حالده آکا هیچ برفالق ایتزسم بوندن تقسمجه دخی هیچ فئالق ایتدیکم استفهام اولنورمی؟ و دایما بیگناه اولمی ایچون هیچ بوقت حقسزلق ارتکاب ایتماک کافیدر؟

انسان کندی کندیسینه «هر نه نتیجه حصوله گلور ایسه گلسون دایما مستقیم اوله لم! حقانیت بيله بالذات حقیقت اشیایه میاننده در. انسانک ایشیه جگی و اینانه جگی شی اولمی اوزره قاعده اولیان برشی عرض اولنورسه کذب دایما حقسزلق و خطا ایسه یالانچیلقدرد؛ و اظهار حقیقتدن هر نه نتیجه حصوله گلور ایسه گلسون انسان کندیلگندن برشی قائمدینی جهته ایتهم اولنه ماز» دیه جک اولسه حقنده کمال سهولته نه قدر موجب مشکلات مباحثات جلب و دعوت ایده بیلور؟ لکن بو خصوص مسئلهینی حل و فصل ایتکسزین تحت قراره آلمی دیمک اولوب زیر مسئله اظهار حقیقتک دایما ایو اولوب اولماسی حقنده اعطای حکمدن عبارت اولیوب انسانک دایما اظهار حقیقته مجبور اولوب اولماسی قضیه سی و تدقیق و معاینه ایتکده اولدیم تعریفه ابتداء انسانک دایما اظهار حقیقته مجبور اولدینی تقدیرده دخی انسانک مطلقا اظهار حقیقت ایتکده مجبور اولدینی احوال ایله حقسزلق ایتش اولقسزین کتم حقیقت ایده بيله جگی و ارتکاب کذب ایتش اولقسزین دخی تبدیل حقیقت ایله بيله جگی احوالی تعیین و تعریفدن عبارتدر. زیر حقیقت حالده بویه احوال موجود اولدینی افاده ایتش ایدم. بناء علیه اشته بوراده موضوع بحث اولان مسئله حقایق مذکوریه طانییوب ایوجه تعیین ایتک

ایچون بر قاعده متینه و امینه تحری ایتمکدر. لکن قاعده مذکوره ایله بونک سهودن مصونیتی برهانی زهدن استخراج ایتملی!

موضوع بحث اولان مسئله گبی صعب و دشوار اولان مسائل حکمیة ده انوار فکریه مدن زیاده شهادت قلییم و ساطیتیه حل و اثبات مدعا بگا دها زیاده موافق حال کلیور. حس طبعی بنی هیچ بر وقت اغفال و اضلال ایتماش و کندیمی بی پروا بوکا امنیت و اعتماد ایچون شمیدی به قدر لازم گلان صفوت و خالصیتی قلمده پک گوزل محافظه ایتمشدر. بوقوت افعال و حرکاتمه اغراض نفسانیهم حضورنده بعضاً التزام سکوت ایتمش ایسه ده بونک اوزرینه حکم و تاثیرینی خاطراتمه اجرا ایده گلمشدر. اشته یاد داشتلمده نفسی جناب واجب الوجود حضرتلرینک بو عمر قلیل المدتد نصکره حق احقرانه مده اجرا بیوره جقلری محاکمه دن دهاشدید بر صورتده محاکمه ای دییورم. انسانلرک نطق و عباراتی اجرا ایتمک لری تأثیره نظراً محاکمه ایتمک اکثریا بونلری سوء تقدیر ایتمک دیمکدر. تأثیرات مذکوره دائماً حس اولنور صورتده اولمدقلری گبی فرق و تمیزلری دخی دشوار اولوب، عبارات مذکوره نك ایچنده ایراد اولنان احوال گبی، بی حد و بی پایان صورتده تنوع و تخلف ایدر. فقط اشبو تأثیراتی تقدیر و درجه صلاح و یا مفسدتنی تعیین ایدن یالکڑ اداره کلام ایدن کیمسه نك فکر و نیتیدر. یا کیش سونلک اغفال و اضلال نیتیه یالان سونلک دیمک اولدینی گبی آلداتمق فکر و نیتی دخی دائماً فکر اضرار ایله ملاصق اولیوب بعضاً بونک بالکلیه مخالفی بر مقصد ایچون اوله بیلور. لکن بر کذب غفت و عصمتیه ارجاع ایچون ایچنده فکر و اضرارک عیان اولماسی کفایت ایتمیوب بوندن ماعدا اداره کلام ایدی لان آدملرک القا ایلمک لری خطا هر نه صورتله اولورسه اولسون نه کندیلرینه ونه ده بشقه لرینه ایراث مضرتدن بری اولدیفنه اطمشان تام حاصل ایتمک لازمدر. اشبو اطمشانک حصولی نادر و مشکل اولدینی گبی بر کذبک صحیحاً خلوص وجدانه مبتنی اولسی دخی اولقدر نادر و مشکلدیر. کندی

منفعتته اوله رق ارتکاب کذب ایتک یا لانجیلق و بشقه لرینک منفعتی ایچون
 یالان سولتک حیلله و خدعه، و فکر اضرار ایله سولینیلان یالان دخی
 افتزادر. اشبو سولتک صورت یالانجیلغک اشنع نوعی اولوب گرك کندیکنک
 و گرك بشقه لرینک منفعت و اضرارینه اولق اوزره سولینیلان یالان، یالان
 سولتک اولدیغندن کذب تعیر اولتاز. مفروضات تسمیه ایدیایور. اخلاقه
 خدمت ایچون اولان مفروضاته تمثیل و یاخود قصد تعیر اولنور.

و بونلردن مقصد حقایق مفیده بی اشکال محسوسه و محظوظه ایله
 ستر و اخفا دیمک اولدیغندن و یاخود اولق اقتضا ایتدیکیندن بویله احوالده
 لباس حقیقت عد اولنان تحریف و قوعات قضیه سنی ستر و اخفا ایتک بی لزوم
 و بویله حکایاتی یالکُرجه حکایه اولق اوزره تنظیم و ترتیب ایدنلرک هج
 بروجها یالان سولتک اولدقلری برامر معلومدر.

افسانه و رومانلرک اکثریسنده اولدینی گبی بعض صرف بی فائده و بی
 اساس مفروضات موجوددر که هج بر معلومات محقه بی حاوی اولیه رق
 مقصدلری اگلنجه در. بونلر کافه قواعد حکمیهدن تجرید اولنمش اولدقلرندن
 ایجاد و اختراع ایدنلرک فکر و نیتلریله تقدیر اولنه بیلور. و فقط بونلر حقایق
 محقه گبی تحت تصدیقده اوله رق نقل و حکایه اولدقلری حالده کذب صحیح
 اولدقلری قضیه سنه هج بر کیمسه مخالفتده بولتاز. (مابعدی وار)